

職方典第六百七十九卷

蘇州府部彙考十一

蘇州府祠廟考三

寺觀附

府志

崑山縣

景德教寺在縣城內西南隅通德坊俗稱西寺晉咸和二年黃門侍郎兼中書令王珣捨宅建薦嚴資福禪寺在縣城內東南隅俗稱東寺唐天祐三年吳越鎮遏使劉璠捨宅建匡禪師開山五代梁開平三年收崑福院貞明五年重修宋大中祥符元年勅改慧嚴禪院尋賜今額

華藏講寺在縣城內馬鞍山頂後有凌霄塔舊稱教院又名般若宋宣和間信法師創建本在山之北麓慧聚寺子院歲久傾圯明洪武十三年僧大雅移建於此改今名 慧聚教寺在

縣城內馬鞍山下梁天監十年沙門慧嚮建相傳嚮從吳興來寓山之石室二虎侍側欲建寺未能忽有神現請助千工是夜風雨暴作喧鳴之聲聞數里外遲明殿基成延袤一十七丈高丈有二尺巨石轟然其直如矢事聞武帝因命建寺賜今額敕張僧繇繪龍於四柱唐會昌中

寺廢以桂藏郡中大中五年太守常曙奏復建復以桂還寺建天王堂

報國講寺在縣城

內景德寺西舊在縣治西名九品觀堂相傳其地本屠沽所聚寺僧師諒一夕夢神人告曰此地當作道場鑿地爲沼當有石塔現寤而言之建造果得石塔上刻元幹僧師諒九品觀堂元泰定甲子僧判本荃改建於此敕賜今額明洪武二十三年僧九齡重建正統中僧宗紀重修嘉靖中改爲祠 永懷報德禪寺舊在縣城內西南隅宋建炎三年翟道川出家爲僧建此

名普賢教院內有諸天閣後敕賜今額時高麗國進陰陽柏兩株高宗以賜王綯綯種殿前

新安尼寺在縣城內東隅梁天監二年建唐會昌五年廢大中七年重建宋紹定中寺燬惟觀音像存淳祐中復建內有薦蔔堂 寶慶院在縣城內西南隅本逸野堂故址後歸邑人郁

允恭與其弟允文乃捨建

擁翠庵在縣城內馬鞍山之陽明洪武四年僧本覺建

妙

峯庵在縣城內馬鞍山凌虛亭下

延福庵在縣城內西南隅元至正四年僧淳厚建

清涼庵在縣城內馬鞍山後本玉山庵故址明天啟初已爲酒肆丁卯年邑紳張魯唯改建延

僧德休主席改今額

妙喜庵在縣城內馬鞍山西南麓明萬曆三十五年邑人葛應元建

能仁教寺在縣城外東南二十五里車塘唐天祐二年魏長者捨宅建用法師開山名羅漢禪院後唐長興二年改德義院宋大中祥符元年改今額明洪武二十年燬二十三年僧永年重建景泰三年靈芝生 聖像教寺在縣城外東南三十里瀘濱晉建興二年有迦葉維衛二

石佛泛海逆水而來止此數百人不能舉眾迎像置郡城開元寺里人趙罕捨所居建寺於此因迎像奉之事聞勅賜今額五代梁貞明四年重修宋寶慶中寺焚石佛仍徙開元寺明洪武十七年僧法詢重建 延福教寺在縣城外千墩浦秦桂山之陽梁天監二年里人王束捨

宅建僧從義開山名般若寺五代梁開平二年重修宋大中祥符元年勅改今額有浮圖七級無相禪寺在縣城外石浦鎮梁天監十年建後燬晉天福二年重建名寶乘寺宋大中祥符元年改賜今額元至正中又燬明洪武中重修 延祥教寺在縣城外東南四十里鷄鳴塘北

梁天監中里人辛氏捨宅建名紹法寺後廢五代錢氏寶正中重建宋大中祥符元年改賜今額元末廢明洪武十一年僧德潤重建 福嚴禪寺在縣城外東南七十里磧礪村元至元

元年僧友山建

趙靈興福教寺在縣城外西南四十里趙靈山唐大中十年僧重德建

蓮池院在縣城外西南五十里陳墓村宋嘉泰中孝宗妃陳氏葬此因建有蓮池八景 超

化庵在縣城外東南二里宋淳熙中僧善果建明正統五年僧慧鏡重修後改名和豐庵每歲迎春於此 草堂庵在縣城外東南一里宋寶慶五年僧演義建明宣德中僧淨所增建

紹隆庵在縣城外南三十五里白蓮浦元至正間普明禪師建明永樂中僧文琇移永懷寺額於此改稱永懷寺正統中住持僧南宗重修 積慶庵在縣城外西十里平樂村宋淳熙二

年僧志欽建 集慶庵在縣城外西南十五里新瀆村宋淳祐二年僧德韶建 崇寧庵

在縣城外西北巴城湖之左宋崇寧中建土人於正月十五日占歲豐凶必驗 海潮庵在

縣城外惠安鄉何村初名潮音庵明萬曆十五年邑人顧紹芾奉母孫氏捨地道人玉林建

三宿庵在縣賓曦門外明萬曆四十二年里人曹大鋪等買地建取浮屠不三宿桑下示無住之義 鑾隱庵在縣賓曦門外玉柱塔北二勝修禪師棲隱處師係本邑李氏子棄儒冠爲

僧得法於牧雲門禪師後入閩化去 選佛場在縣賓曦門外玉虹橋南本陳氏園

皇清順治中性空臻禪師駐錫命名松江紳王廣心施佛像自是次第興建邑人張立廉更募置田

五十畝爲接衆之資

望江庵在縣賓職門外明萬曆十一年僧本源募建後漸圯萬曆四

十七年正月上澣雷電旋繞火照灼不絕者三晝夜僧無聞寂默先後募修內有玉桂塔

安禪庵在縣麗澤門外駟馬橋北崇禎十年僧安禪建

法雨庵在縣麗澤門外水次倉北

邑人徐氏捨園建

清真觀在縣城內西北隅會仙橋東卽宋放生池也乾道七年道士翟

守真自天台來止此遂募緣鳩工剏立真武殿又適得民家樟木一段鋸出儼具聖像披髮握

劍遂裝繪供奉淳熙元年勅賜觀清真觀扁額

西乾道院在縣城內馬鞍山陰順治中邑

人爲道人呂懿建十八年嗣天師張洪任題額

真如觀在縣城外南四十里石浦鎮宋慶

元間宋顯建明永樂十四年里人唐道勝重建

鹿城道院在縣城外社稷壇東明成化中

道士陳永中建知縣楊子器扁其堂曰城市山林

洞明道院在縣城外東南六十里泮川

鄉宋景定四年建元至元元年里人金士瞻修

元白堂在縣城外陽區角直鎮順治初里

人湯孟雋爲煉師李樸建

元元道院在縣城外十三保元至正辛卯道士周道甫建

明真道院在縣城外三十保兵墟村

迎真道院在縣城外吳淞江南唐村明成化二年道

士劉應元建

常熟縣

聖壽東靈寺在縣城內西北隅梁大同間建唐嗣聖二年改爲中興寺本在吳縣界神龍元年移置於此賜今額熙寧六年重修有子院曰延福教院卽今城隍廟也 慧日禪寺在縣城

內西北隅梁天監間吳興僧慧嚮開山舊名壽聖又名晏安 東塔崇教興福教寺在縣城

內東北隅宋建炎四年僧文用謂此邑客山高主位低請於邑令李闔之建塔鎮之咸淳間僧法淵別建塔九層明洪武中僧淨慧重修 尊聖庵在縣城內西北隅宋開慶間僧恩律建

南市崇福院在縣城內西南隅宋建炎二年僧安嶽建 福順庵在縣城內西南隅宋紹興

間僧萬山建 破山興福寺在縣城外虞山北嶺下齊始興五年邑人彬州牧倪德光捨宅

建名大慈梁大同三年改興福唐咸通九年賜額破山興福寺舊有高僧文舉塔體如塔有破山八景 維摩禪寺在縣城外虞山上宋隆興元年僧法運建名石室維摩庵有石井名湧

泉淳熙三年改資福禪院明洪武中僧壽松重建改今額宣德中僧曇敷重修 寶嚴禪寺

在縣城外虞山西麓梁天監間建名延福禪院宋天禧間改今額 頂山廣福院在縣城外

虞山北嶺下梁大同十二年石使君捨宅建名頂山院宋治平間改頂山聖壽院續改今額僧

梵行重修寺有十景 上方院在縣城外頂山小嶺之外夾兩山之間白龍泉在焉 瑞

石庵在縣城外上方院之右宋明道元年邑民陳氏建僧守常開山 白龍庵在縣城外頂

山梁天監元年僧堅鑄建 拂水庵在縣城外虞山西嶺明洪武三年僧道源建 曇林

庵在縣城外虞山西宋紹興六年僧傑文建 大慈塔院在縣城外虞山拂水巖東報恩寺

新塔福城禪院在縣小東門外 資福禪院在縣南門外四十四都明崇禎十五年邑諸生

王憲曾捨地僧賓化結庵施茶 三峯清涼禪院在縣北門外數里前臨烏目澗萬曆四十

一年漢月藏禪師大興法席邑紳施募飯僧田六頃有奇 永慶教寺在縣城外河陽山梁

大同二年侍御史陸孝本捨宅建宋賜名大福寺尋改今額相傳有僧肉身泛海而來狀貌奇

古僧徒迎置於寺固以膠漆靈應多驗 妙清教寺在縣城外莫城陳禎明二年僧宗梵開

山名妙清院相傳有鐘泛海而來縑流迎置寺中寺東有迎鐘塘明洪武中僧道弘重建改爲

寺 大慈教寺在縣城外福山鎮按舊志梁太清元年僧普明大師建名法水禪院宋大中

祥符元年改今額 勝法寺在縣城外梅李鎮唐元和中閩將軍捨宅建乾元間置爲離火

宅寺晉開運中改爲境寧宋大中祥符元年改今額 智林教寺在縣城外李墓村唐乾元

元年建名永安寺宋大觀四年避宣祖陵名改賜今額 練塘寺在縣城外練塘市初名仁

王院宋開寶中鄒知邈施地建大中祥符元年賜額淨慧禪院明洪武初重建改今額內有看

經寮 明因禪寺在縣城外支塘市北舊名永昌唐乾元中廢咸通中復建改名再昌祥符

中改明因禪院明永樂元年僧慧觀重建改爲寺 羅墩庵在縣城外羅墩宋元祐二年僧

妙澤建 平墅侍親庵在縣城外平墅元至正二年僧心鑑建 梅林永塔院在縣城外

梅李鎮宋紹興間邑人錢道者建塔七層 常慶庵在縣城外蘆澱村宋咸淳三年僧永祥

建 崇福庵在縣城外東九里元至正間僧眞福建 金李庵在縣城南一里元十三

年建 資福庵在縣城外顧墩宋嘉泰三年僧雲祥建 四道明王庵在縣城外塘頭墅

宋乾道二年僧中玉林建 圓覺庵在縣城外西北區河陽山東順治間僧觀成建 致

道觀在縣西門內虞山南嶺下梁天監二年張道裕居此感異夢建并建寥陽殿虛皇臺手植七星檜後道裕仙去瘞劍於山之西麓簡文時改乾元宮相傳昭明太子讀書於此有讀書臺宋治平中道士李則正浚井得藏丹化雙鵲飛入尙湖有丹井存焉政和七年改致道觀

至和觀在縣城內西隅舊稱道院宋咸淳中天台道士應錫智建後其徒王大成拓址重建改爲觀 乾元宮在縣城內虞山北宋元祐中海陵道人申元道建元道將南游請於其師徐

神翁翁曰逢虞則止遇雪則開申始未悟及至是山遂插竹爲庵名竹林山舊無井一日大雪惟山坳不積因浚井得美泉名雪井紹興丁卯道士喻抱元改築招真庵取致道舊額名乾元宮 靈霄經堂在縣城內西南隅元至正中董參議捨宅建 佑聖道院在縣城外東南

五十里周涇舊在許浦鎮宋乾道間都統馮湛建後道士席應真遷於此林復真重修 崇

真道院在縣城外許浦鎮

吳江縣

無礙講寺在縣城內常樂坊西故稱西寺梁開平三年僧本遂建晉天福七年賜額華嚴賢者

教寺吳越忠獻王改今名

寧境華嚴講寺在縣東門外江南東晉明帝時衛尉卿陸僧瓚

捨地建嚴法師開山名華嚴院東魏太平元年姚氏重建晉開運三年僧弘佐增修宋元祐四年邑人姚得瑄建方塔七級建炎三年塔燬邑人鈕氏重修紹興五年鄰舊有寧境院并爲一寺故賜今額 接待教寺在縣東門外南津口俗稱南寺宋紹興十二年建紹熙二年重建

名承天萬壽禪寺元至元二十年再建改今名

海雲禪寺向在縣城外簡村至元年僧明

本中峯開山天曆中賜額明宣德中僧慧鑑重建

崇吳教寺在縣城外充浦村梁開平二

年僧妙義建明正統中僧師貞重建

永定教寺在縣城外荒浦村宋時建

雙林寺在

縣城外倪林里宋咸淳中建

妙智教寺在縣城外半澤村唐時建

寶覺講寺在縣城

外曹村宋紹興中建

普濟禪寺在縣城外震澤鎮宋時建

奉先教寺在縣城外雙楊

涇唐時建

應天教寺在縣城外蠡澤村唐時建

清隱禪寺在縣城外十四都宋時建

永樂禪寺在縣城外雙楊東宋時建

長慶禪寺在縣城外舊名明慶教寺

慈雲禪寺

在縣城外震澤鎮宋咸淳中建

殊勝教寺在縣城外鶯脰湖濱宋治平四年僧如信建時

蔡京趨朝過寺適信徒法昇書華嚴經以寺額爲請京問書經至何品云至殊勝功德品京笑曰當以殊勝爲額遂奏賜焉

法喜教寺在縣城外九里村唐武德中僧西遇建初名崇福

院宋大中祥符元年賜今額

報恩禪寺在縣城外庵村唐大中二年顧文通捨宅建宋慶

曆中僧元寶重建

泗州教寺在縣城外蘆墟唐景龍二年建

集善庵在縣城北仙桂

坊元至元中僧普照建明景泰三年僧宗敏修

萬蓮庵在縣城內西南隅元天德間僧志

勲建萬井皆蓮故名

眞武閣今稱三天門在縣南門外明嘉靖中邑人周澆建

眞武

庵在縣城外三里橋北俗稱北天門

法明庵在縣城外湖浦村明崇禎十七年無礙寺僧

一乘建

圓通庵在縣城外湖浦村舊名靈教寺

聖壽禪院在縣城內西北隅延壽坊

內故名北寺吳赤烏中建梁開平改稱興寶院晉天福七年僧志昇再建宋天聖二年賜今額

奇雲庵在縣城外爛溪南宋咸淳二年建

慶壽庵在縣城外二十都元至正中僧本原建

永明期堂在縣城外二十都西元泰定中僧法圭建

乾元庵在縣城外姚田村元至正中

僧祖善勸建

大士禪院在縣城外姚田村宋淳祐中建

百壽庵在縣城外二十五都

元大德中僧普寧建有老嫗百人續麻助役因名

衍慶昭靈觀在縣城內東北隅唐先天

二年勅建名曹王廟王名明卽昭靈侯梁時淮寇圍蘇州吳越王錢鏐自以兵弱不能支禱于

侯以求默佑後果蒙麻奏請得封宋元符三年石處道重修元大德三年嗣天師奏改今額明

洪武三年詔正城隍稱號於是移去神像更建城隍廟觀額仍舊今之城隍廟實始於此

樂真觀在縣城內東北隅原名崇真道院元至大三年邑民沈守中捨宅道士沈真靜建

靈真道院在縣城內仙里橋之南元至正十三年里人張元通捨宅建 玉清洞真觀在縣

城外同里鎮宋嘉定十三年里人葉宣贊地捨建淳祐十二年賜額希夷元至正七年改賜今

額 瑞雲觀在縣城外韓墅村元泰定中里人陸志寧建 清溪觀在縣城外章塔村明

正德元年道士蘇以清建 明真道院在縣城外盛澤鎮元至正初年建 佑聖道院在

縣城外桃墩村宋建炎元年里人吳思賢建明洪武間題今額 衍慶道院在縣城外檀丘

元至正中建 清真道院在縣城外平望鎮鶯脰湖北一名元天宮宋建炎中里人陳省元

建 梓潼觀在縣西門外

嘉定縣

圓通講寺在縣城內洪星坊內元至元間里人高氏子爲僧名明了捨宅爲寺大德己亥賜額
圓通武宗加賜大報國圓通寺額延祐間重修明洪武十一年僧大佑改建 資善寺在縣

城內東隅元至大四年建名資福明萬曆中僧道林重建更名資善 西隱教寺在縣城內

西北隅清境塘元泰定元年僧悅可建 積善禪寺在縣城晏海門內舊在觀潮門外明洪

武十一年邑人林仲寶捨舍建萬壽僧雲相開山永樂十二年僧善祥改建於此 昭慶寺

在縣城觀潮門內宋昭慶間建故名初稱院後改爲寺明崇禎九年重建 法華塔院在縣

城內登龍橋南宋開禧中建元至大元年重修形家以此塔爲縣之文筆學之元武俗名金沙

塔 真際庵在縣城內西南隅元泰定三年僧良玉建明萬曆三十九年蜀僧三際欲圖興

復知縣謝三賓倡始重建 護國教寺在縣合浦門外梁天監間建宋天禧中賜額元泰定

二年僧希最重修 東林圓照寺在縣城外東十八里楊涇東大都舊在晏海門外宋紹定

三年僧有謙建明洪武中僧時習改建於此永樂七年僧思修重建 興聖教寺在縣城外

三十六里七都月浦宋紹興元年建十八年賜額咸淳間修

保安教寺在縣城外東四十

五里七都沙浦梁天監中恆智禪師聞蘆葦中有猛獸因趺坐經旬有老叟饋食見二虎馴狎左右里人龔延鏐建庵居之宋嘉定中改爲寺明永樂間僧洪沈重修萬曆四十七年淮安僧廣潮重建 留光禪寺在縣澄江門外一里舊在澄江門內宋天聖中里人吳珍捨地勸庵

會稽能禪師卓錫壘地得吳木奉塑大士像乾道初始建寺淳熙十年移杭州仁和縣留光顯慶寺額名之 集慶講寺在縣城外南三里一都元至正四年僧妙智夢此地有佛光因建

明洪武三年僧覺斯重建

南翔教寺在縣城外南二十四里十二都梁天監中里人掘地

得石常有二鶴飛集其上僧德齊卽其地建庵宋紹聖中賜額白鶴南翔寺

淨信講寺在

縣城外東南三十六里七都月浦舊志淨心宋寶慶間里人譚思建僧道嵩開山鑿井得耒佛耳號佛耳泉移錢塘勅額爲名 保清講寺在縣城外東四十五里十都大塲北宋淳祐三

年建明永樂三年僧法顯重修

永壽講寺在縣城外東三十六里十一都葑村塘舊在錢

溪東北宋淳祐中里人徐耆捨宅建咸淳中賜額延祐二年僧珣石田移置於此

頓悟教

寺在縣城外東南四十五里一都在瀘涇元元貞元年僧師範建初稱院明洪武中改爲寺中有一檜三松俱圍一丈五尺 法界教寺在縣城外東南四十五里一都大塲北宋嘉定中建初稱院元至元中改爲寺 大德萬壽教寺在縣城外南翔寺東一里十二都元大德中僧良珣建明嘉靖三十一年僧可具重修萬曆乙未僧省巖再葺

皇清順治七年僧超界重修

萬安教寺在縣城外南二十六里十二都萬壽寺西新華浦初良珣既建萬壽珣之徒義榮改建寺於此與南翔大德爲三大刹以其成於泰定萬安寺 方泰教寺在縣城外西南十八

里十七都沙壘梁天監二年建唐大中三年賜額後錢武肅王重建 菩提教寺在縣城外

西南二十五里十六都安亭鎮孫吳赤烏二年建梁天監二年改建後唐清泰間名唐興寺宋開寶間改賜今額 羅漢教寺在縣城外西南三十六里十九都宋建炎間僧法裕建乾道

間賜額僧定能重建 褒忠教寺在縣城外東北二十四里在羅店鎮梁天監十年建後漢

乾祐二年重建明永樂九年僧至寶重修中有唐碑漫滅不可讀 皇慶教寺在縣城外北

三里三都元至大四年圓通寺僧明了建明永樂七年僧法紀重修 永壽禪寺在縣城外

北十二里二十二都宋時何氏建庵俗呼何莊庵明洪武中改爲寺 永安院在縣城外東

四十里二十四都黃姚港宋咸淳九年僧良祺建 東林院在縣城外南二十四里十二都

元丁丑僧祖勝建明萬曆中道人性耀重建 聞思禪院在縣城外東北二十里二十二都

宋咸平四年僧慧能建明萬曆間重建 南昇禪院在縣城外北十二里三都元至正六年

建明正德八年重修崇禎丁丑僧文雅鼎新嗣孫元應改建 興福教寺在縣城外北十八

里二十七都宋末徹禪師建元至正間里人彊彥栗重修 西方庵在縣城內西南隅明嘉

靖四十年建萬曆十九年里人吳海忠重建

皇清順治二年僧照淨重修 掩骼庵在縣城內東隅明崇禎三年知縣謝三賓捐俸建養僧以

掩枯骨 祝聖庵在縣城內西南隅明崇禎二年九華山僧大見重建 法華講院在縣

城外西二十五里十七都元至元二年僧普現建 崇福庵在縣城外南三十六里十三都

下槎浦宋紹定二年僧行超建 塢城庵在縣城外南三十六里十四都塢城浦元泰定間